

91

P-73

784

91

22



0.174

թ-73

Նշանակում է, չքան որ հայ ուսանողների օգտին

Ի զրոյ նուստենէս հարգութեամբ.

թ. 11/2

ՄԱՍԻՍ ԼԵՌՆԵՐԻ

3(2)


ՀԱՐԱԻԱՅԻՆ ՍՏՈՐՈՏՆԵՐ

ՀՐԱՊԱՐԱԿԱԽՈՍՈՒԹԻՒՆ

ՊԵՏԱՐԱԵ՛Ծ ԱՊՐԷԼ 21 ԻՆ ԱՐԾՐՈՒՆ ՈՒ
Թ.ԵՏՐՈՆՈՒՄ

Ինքն
1882

A. I. 94
1881



ԹԻՖԼԻՍ


ՏՊԱՐԱՆ ՄՈՎՍ. ՎԱՐՎԱՆԵԱՆԻ ԷԻ ԸՆԿ.

1882


ՍՏՈՐՈՒՄ Ե
1882 թ.

Доз. цензурою. Тиф. 6-го Августа, 1882 года.

~~16900~~



Типогр. М. Вартаванца и К^о- въ Троиц. пер.



ԱԶՆՈՒԱԿԱՆ ԳՆԴԱՊԵՏ

Պ. ԱՂԷՔՍԱՆԴԻ ԹՈՂՄԱՅԵԱՆ

ՄԵԼԻՔ-ՀԱՅԿԱԶԵԱՆԻՆ

ԽՈՆԱՐՀԱԲԱՐ ՆՈՒԷՐ

Ա շխատասիրողից

Ը Ն Թ Ե Ր Յ Ո Ղ Ի Ն

Առաջիկայ երկրորդ հրատարակախօսութիւնս տալով տպագրութեան, մի քանի խօսք ունեմ մեծ. պ. պ. բարեկամներիս եւ հակառակորդներիս ասելու:

Անցեալ տարւոյ աշխատութեանս գործի գլխին յայտնել էի որ, «ես աշխատում եմ, որքան կարողանում եմ. իրաւունք չէ իմ կարողութիւնիցս բարձրագոյնը սահանջելու»:

Ես չեմ պնդում, որ իմ կարծիքներս անսխալ են, գորա համար էլ կը խնդրէի որ, այդ սխալները ուղղվէին, հերքվէին փաստերով, այդ օգուտ էր թէ ինձ եւ թէ հասարակութեան: Բայց իմ հակառակորդներս հայհոյում են միայն, որ ոչ իրանց է վայել, ոչ ինձ օգուտ է եւ ոչ ընթերցող հասարակութեան:

Զարմանալի անձինքներ ենք մենք. փողոցումը միմեանց սլատահելիս, ուր կարող ենք իրար հայհոյել. խօսում ենք

կում չեմ եղել՝ բայց խմբագրութեան
յայտնի է, որ այդտեղից այս տարի շա-
տերը ինքնին յետ են ուղարկել թերթը,
յայտնելով որ չեն համակրում:

Երագրական ամեն մի յօդուածից հաս-
կացվում է թէ ինչ հոգով է գրված:
Գրականական նախադասութիւնների մու-
րացկանութիւնը, անձնական նեղ հայհո-
յանքներով լի պօլեմիկան, պակասութիւն-
ներ շողօքորթող, ձեւի համար գրված-
ները անհոգի են լինում միշտ եւ ան-
կարող համակրութիւն ստեղծելու:

Իմ շնորհակալութիւնս եմ յայտնում
մեծ. ունկնդիրներին, որոնք այս երկրորդ
անգամն է որ պատվում են ինձ իւրեանց
ներկայութեամբ, մասնաւորապէս «Մշա-
կի» մեծ. խմբագրին, որ միշտ քաջալե-
րել եւ խրախուսել է, որի թատրօնի ճրի
մուտքը միշտ բաց է եղել ինձ համար,
նոյնպէս շնորհակալութիւնս եմ յայտ-
նում մեծ. գնդապետ Ադէքսանդր Թով-
մայեան Մելիք-Հայկազեանին, որի ծախ-
սով տպագրվեց «Հայրենիքի պահանջներ»
եւ որին ներկայ աշխատութիւնս նուի-
րելու պատիւն ունիմ:

լի խօսքեր: Մտնում ենք խմբագրութեան էջերում, ուր գտնէ պարտական էինք բարոյական լինել: այնտեղ հայհոյում ենք միմեանց:

Անցեալ տարվայ հրապարակախօսութեանս պատճառով՝ «Յեղուի» խմբագրութեան կողմից ինձ վերայ յարձակից մի հինաւուրց հերոս. պ. Նշմանեանը: Նա ինձ անուանել էր ռուսահայոց եւ տաճկահայոց մէջ ատելութիւն սերմանող. թափել էր ինձ վերայ մի կարկուտ թշնամական բառերի: Ես այդ առանց ասպացոյցների գրուած տողերին չը պատասխանեցի. սակասութիւնը վերագրելով խմբագրութեան աշխատակցի հատակին: Ես բաղդաւոր էի համարում, որ պ. Նշմանեանը ինձ թշնամանում էր Մ. Նայրանդեանի շարքին: Հանգուցեալի յիշատակի հետ, ես ուրախութեամբ կը բարձրանամ Նշմանեանների կառուցած կախազանի վերայ:

Այս տարի դարձեալ նոյն հինօրեայ խմբագրութիւնը յարձակվում է: Պէտք է ասել որ, նա մեծ յառաջագիմութիւն է խիստ քաղաքավարի, ասում ենք հաճե-

արել այս անգամ: Նա քարոզում, յորդորում է իւր ընթերցողին արհամարհել, ունկնդիր չը լինել ինձ... գեղեցիկ միտք, քարոզութիւն վայել է մի խմբագրի հոգւոյն եւ ուղղութեան:

Սմենքը խոստովանւում են որ, հայրենիքը խմաստասիրված չէ, ուսումնասիրելը անհրաժեշտ է, երկու տարի է որ այգիսօսքերը ձանձրանալու չափ լսվեց. եթէ գիտնականները չեն կատարում այդ պահանջը, ինչի մեզ (տգէտներին) արգելել: Դա նշանակում է որ «գուք չէք մտնում եւ որոնք մտնում են, թոյլ չէք տալիս»:

Սրժէր ասում է «Մեղուն» 3¹/₂ հայ ունեցող Մագուն ուշադրութեան առարկայ շինել: Ես հարցնում եմ, ժամանակի պահանջմանց համապատասխան էր Սխականի ուսումնասիրութիւնն: Զգաց խմբագրութիւնը որ, գա ոչ ոքին չը հետաքրքրեց եւ ինքը միայն մնաց իւր պաշտպանած առաջարկութեան հետ:

Խմբագրութիւնը պաշտպանում է նաեւ վարժապետներին որոնց շարքին, համբերութեան համար երեւի, ինձ էլ իւր շնորհն է անում: Ինչի նա այգպէս նեղ է հառ-

կանում կողոպտել բառի նշանակութիւն: Աշակերտների. ժամանակի, նոցա վարքի բարքի հետ խաղալ՝ դաւաճանել՝ արտաքսել նրանց, զրկել մի ուսումնարան արժանաւոր ուսուսուցիչներէց՝ լրտեսներով կաշկանդել նորան. ուսումնարանից կառավարել խմբագրութիւն, այնտեղ նստած ֆէլիէտօններ գրելը, ուսումնարան կողոպտել չէ:

Խմբագրութեան ցաւը ոչ հայրենիքի ուսումնասիրութիւնն է, ոչ գասախօսութեան պիտանութիւնը կամ անպիտանութիւնը: Թուրքերէն մի առած կայ. ասում են, որ աղուէսը 39 առակներ ունի: 39-ն էլ հաւ բռնելու եղանակներին է վերաբերում: Խմբագրութեան ցաւն էլ իւր «Աեզուն» է: Քաւառական նամակներից տեղեկացել է նա, որ ես նորատարածման արգելք եմ լինում: Քա շատ սխալ հասկացողութիւն է. մի օրագիր, երբ ինքը շնորք չ'ունի տարածվելու, արուեստական կերպով նրան երբէք չէ կարելի տարածել: Ես մեզաւոր չեմ, որ նորա անունը Մագու չէ հասել, որ Երեւանում բաժանորդների թիւը զգալի կերպով պակասել է: Երկու տարի է ես գանձա-

Այդ անձի ազնուասրտութեան հետ ընթերցողին ծանօթացնելու համար՝ բառառ բառ թարգմանում եմ նորա ինձ ուղղած հեռագիրը:

Փօթի, ապրիլ 26-ին 1882,

„Շնորհաւորում եմ ձեր ճանապարհորդութիւնից ողջանդամ վերադարձը: Բաւականութեամբ ընդունում եմ իմ հաշուին, ձեր բոլոր դասախօսութիւնների տըրպազրութեան ծախսը, կանխապէս ստորագրելով ամեն մէկից 100-ական օրինակներն“:

ՄԷԼԻՔ. ԷՆՅԿԱԶԵԱՆ

Ներկայ աշխատութեանս աւելացրել էի եւ իմ ճանապարհորդած աշխարհի մեծագիր աշխարհագրական քարտէզ «Հայոց թագաւորների ամարանոց եւ դօրանոց» անունով, ինչ տեղ անձամբ եղել էի ուշագրութիւն էի դարձրել դրից, լեռների գիւղերի եւ այլն աշխարհագրական անունների ճշգրութեան, որոնց անախալ հընչում չէ յաջողվում օտարներին. օգուտ քաղելով նաեւ ամենանոր քարտէզներից: Բայց մի քանի անկախ պատճառներից ստիպված չը կարողացայ հրատարակել:

Աւարայրի դաշտը դրել եմ 62°30', 62°45', 30°0', 38°45', լայնութեան եւ երկայնութեան տակ, Յոյա (հերեւ Չարե-

ւանդ) հիւսիսում, պարսկաստանից գէպի
 հայաստան եղած մեծ ճանապարհի վերայ:
 Սխալվում են ոմանք Մագուայ արեւելեան
 ձորաբերանի արձակալայրը Աւարայրի
 գաշտ համարելով: Այդ տարածութիւնը
 կազմված է ամբողջապէս հրաբխական լա-
 վայից եւ Մակու գետը մաշեցնելով իւր
 ճանապարհը 2—4 սաժէն խորութեամբ
 քարեա օրօրանի միջից անցնում է, ան-
 մատչելի կացուցանելով իւր ափերը այր ու
 ձիուն եւ հետեւակ դինւորներին: Այստեղ
 Տղմուտ անունը անյարմար կը լինէր բո-
 լորովին հատկացնել Մագու գետին՝ քա-
 նի որ միւսը գետն էլ է տղմուտ գաշտն
 էլ եւ ափերը դիւրամատչելի:

Հրապարակախօսութեանս վերջաբանի
 տեղ խօսված «Գրիգոր սաղի» աւանգա-
 կան վէպիկը երկարութեան համար թող
 արի առանձին գրքոյկով հրատարակելու,
 նորա տեղը մտցրի գիւղական վարժապե-
 տի նշանակութիւն անունով յօգվածի
 համառօտութիւնը, որ պատրաստել էի
 ուսուցչական ժողովի նիստերի համար:

ՀՐԱՊԵՐԱԿԵԼԻՍՍՈՒԹԻՒՆ

ՄԱՍԻՍ ԼԵՌՆԵՐԻ ՀԱՐԱՒԱՅԻՆ ՍՏՈՐՈՏՆԵՐԸ

Ա. Մ ա ս ն

Երեւանայ բեմի դեկարասիոնը.—Մկրտավաճ աշխարհի հեթանոս ժողովուրդը.—Հացի համար ապրողները.—Պատկերների հակապատկերը.—Կերուրոնի պարտականութիւնը.—Պատմութիւնից քաղաածք հակա-համազգային սկզբունքների.—Ազգերի աճեցութիւնը եւ մահը.—Համազգային գաղտնիքի սկիզբը.—Ի՞նչ հարկ անցեալը քրքրելի էրկրի աշխարհագրական նկարագրութիւնը.—Բնագիտական երեւոյթներ.—Աւարայրի դաշտի ճակատամարտը.—Հայ աւանդութիւններ թաթարների մէջ.—Հոգեհանգստեանի տաճարը.—Թաղէի վանքի նկարագրութիւնը

Ուսումնասիրեցէք աւերակներ
Այնտեղ են անցեալ կեանքի ապացոյցներ

ՏԻԿՒՆՆԵՐ ԵՒ ՊԱՐՈՆՆԵՐ

Այս երկրորդ անգամն է, որ ես ձեր հրապարակական բեմի վերայ կանգնելու պատիւն եմ վայելում: Աւելի փտահուսթեան համար, ինձ ցանկալի էր մտածել, դուք ամենքդ, որ ժողոված էք այստեղ, միացած էք արդէն ձեր մէջ միատեսակ մտածողութեան և միատեսակ զգացողութեան կապով, և ինձ ձեր հաղորդութեան կցորդ համար

բելու մեծ պատիւը կը շնորհէք: Այսպիսի հանգա-
մանքում ե նրա տպաւորութեան տակ շեշտ է խօ-
սել, մանաւանդ թէ ո՞րքան քաղցր է:

Ահա թէ ինչ մտքով ամրապնդած, ես համար-
ձակվում եմ խնդրել ձեզանից, որ դուք տեղա-
փոխվիք այստեղից Նրևան, երևակայութեամբ միայն:
Նորա համար, որ այդ դռնից մենք պէտք է մըտ-
նենք այն աշխարհը, որ ես միքանի ա՛խս առաջ
ճանապարհորդել եմ:

Յոյս ունիմ, որ ոչ ոք չի զղջալ այդ տեղափո-
խութեան համար: Նրևանը մի շատ գեղեցիկ եր-
կիր է. նորա բնակիչները եթէ վատ էլ գնահա-
տեն, բայց եկաւորների համար անկարելի է չհիա-
նալ նորա նկարչական տեսարանի վերայ և չը սի-
րահարվել:

Ամեն օր արշաւոյսի հետ ես շրջում էի դէմքս
դէպի սարերը, Մասիս, որոյ գագաթի յաւիտե-
նական սառոյցը, դեռ արեղակի ծագումը ոչ
որին չը յայտնված, շողջողում է նորա անդրանիկ
ճառագայթների տակ, որին հեռարձակ ազգային-
ները, աւելի շատ, գիտնական օտարները ամեն
կողմից տեսութեան են գալիս:

Ի՜նչ տիեզերքի համար հին Կոտակարանի սարն է:
Ամենի սկիզբը նորա բարձրութեանն է հասնում.
Մեզ համար՝ աւերակների կեղրոն, խոնարհած
թագաւորութիւնների կանգուն վկան է:

Այդ հսկայական լեռը, արարատեան դաշտի հա-

բաւային սաճմանը դժնելով, նկարոված է հորիզոնի վերայ, ինչպէս մի անհեթեթիկ և զեղեցիկ դեկարասիոն Արևանայ բեմի համար:

Արևանը ընկղմած է ազգային և կրօնական թանկագին յիշատակարանների մէջ: Նորա շուրջը խիտ առ խիտ սիւսիւս են Հայկազեան, Արշակունեան, Բագրատունեան թագաւորութեանց բերդերի, ապարանների, քաղաքների, եկեղեցիների և այլ նուիրական վայրերի փլատակները, որոնց կործանման փոշին դեռ բարձրանում է... Փոքրիկ մասը, որ դեռ կանգուն, նա էլ կործանման է սպասում...

Այսպիսի տնդերի վերայ, որի ամեն մի քարը խօտուն է, որի ամեն անկիւնը մեզ անցեալ հայկական պատմութեան մասերն է կրկնում, կարելի է աչքեօք ծնվել, դարգանալ, միանգամայն և անշարժ մեռած լինել բարի զգացմունքներով և կոխտալ այդ աւերակները ամբարիշտ ոտներով և ատելութեան խորհուրդներով: Մի երկիր, որ մկրտոված է արիւնով, իսկ նորան կոխ են տալիս մարդիկ, որոնք չեթանսս են դոյժերով և սկզբունքներով:

Բացառութիւնները մի կողմ թող արած, առհասարակ մտածելով, այդ շատ ճշմարիտ է, որովհետև մինք շինում ենք մեր տները, մեր դրացու հայր փլատակների վերայ, որ մենք ենք աւերել, մեզանից իւրաքանչիւրը ապրում էր իւր օգտին և

ընկերի վնասի համար, խլուսէ արենակցի կտոր հացը իւր որովայնի համար: Առուտուրի մէջ խոր դաւանում ենք միմեանց, դրացութեան մէջ բաժնատում ենք ընտանիքները, քաղաքական գործերի մէջ մրտում, անդունդն ենք զլորում իրարու, ուսումնարանների մէջ իբրև հոգաբարձուներ կամ իբրև նորանց հետ դաշնակցած ուսուցիչներ կողոպտում ենք ուսումնարանները, եկեղեցոյ մէջ ծախու ենք հանում նորա սրբութիւնները: Բայց Քի վերայ այսր ամենայնի մենք արտմում, հառաչում նաև դայրանում ենք քրդերի և տաճիկների դէմ, երբ հարստաշարութեան միտքէ լուր ենք ստանում մեր հեռաւոր եղբայրներիցը: Չպէտք է կարծել, որ մեր հոգեմաշ արտմութիւնը ու հառաչանքը առ երևոյթս է. ոչ, մեր զգացմունքները ի սրբտէ են, մենք ցաւում ենք, որ ինչու մեր ազգակիցներին քրդերը և թիւրքերն են հարստաշարում և ոչ մենք:


Քիչ խօսքով ասել, մեր ժողովրդեան ամեն մի դասակարգի անդամը, լինի նա վարդապետ, քահանայ, վաճառական, արհեստաւոր, վարժապետ, աշակերտ, իւրաքանչիւրը նոցանից իւր որոշ նպատակն ունի և իւրեանց նպատակը իւրեանք են միայն: Արդապետը կամ քահանան ձեռնադրվում է կտոր հացի համար միայն, ուսուցիչը ուսուցանում է աշակերտը տնայնում է կտոր հացի համար միայն: Ոչ ոք չը կայ, որ թուիրուէ իւրեան

պաշտօնին. օրինակ եկեղեցականը՝ եկեղեցոյ պրօ-
պագանդին, եկեղեցոյ օգտի համար. ուսուցիչը ծա-
ռայէր ուսման, ուսումնարանին՝ աշակերտների
օգտի համար, աշակերտը սովորէր արհեստներ, գի-
տութիւններ՝ հասարակութեան օգտի համար: Այս-
պէս մենք ամենքս մեզ համար ենք ապրում. ոչ
ոք հասարակութեան օգտի համար, ոչ ոք հայրե-
նիքի համար: Մենք օգուտ չենք տալիս ոչ որին,
օգուտ չենք ստանում ոչ որից: Մենք այդպէս ենք
մնասովել միշտ ամեն ժամանակ:

Ահա մօր ազգի թոյլ կողմը, որ քայքայել է մեզ
քաղաքական մարմնի կազմակերպութիւնից, որ
քայքայում է հասարակական մարմնի անդամակ-
ցութիւնից:

Ո՛վ է տեսել մի հարկի տակ բնակվող մի գեր-
դաստանի անդամներին, որոնք միատեսակ շահեր
և միատեսակ թշնամիներ ունին, բայց նոցանից
ամեն մէկը իւր համար քանդում է հասարակական
պատասպարանի չիմքը: «Ն՛չ անմտութիւն», ա-
սում ենք մենք մեզի, երբ այդպիսի օրինակներ
կարդում, կամ լսում ենք: Միթէ կարելի է, որ
մարդը այն տան չիմքը քանդէ, որի տակ ինքը
պատասպարվում է. սիթէ կարելի է ազրուկի պէս
բոլոր արիւնը ծծել այն սղորմելոյն, որին դիւղա-
ցի, ռամիկ են անուանում: Իսկապէս նա է միայն,
մէկ անգիտակցաբար, բայց ամենի համար է
այն ամենը կրկնում և մտա-

1869
1869
1869



ծում ենք, զգում ենք ոգևորված ժամանակներում, կամ երբ ոգելից ըմպելիները բաց են անում մեր բարի զգացմունքների դուռը. մեր միտքն են գալիս ազգութիւն, հայրենիք ասած բաները: Մէկը առաջարկում է, «խմենք Ներսէսի կենացը», միւսը «խմենք Հայրիկի կենացը»: Այդ շատ ճշմարիտ է, որ մենք շատ ազնիւ բաների կենացը միայն խմում ենք, կամ յիշում ենք խմելիս միայն. իսկ Խրիմեանը, Ներսէսը, կամ ազգը ինչ է շահվում դորանից, քանի որ ոգևորող գազերը մեզանից հեռանալով, մենք մնում ենք նոյն հին մարդը, միշտ սպառող ու թշնամի իւր սեփական զօրութեան:

Նբանելի կ'լինէր, եթէ ձեզանից դուրս գար մէկը, խլէր ինձանից այս ամբիոնը և ներկայացնէր իմ նկարած սլատկերի հակապատկերը. այսինքն ստէր իմ խօսքերը, ցոյց տար, որ կայ ընդհանրութիւն, որ մտածում է, գործում է անհատների համար, և անհատներ, որոնք ապրում են ընդհանրութեան համար: Անն հաստատուած հիմնարկութիւններ, գիտութեան համար թանգարաններ, ընթերցարաններ, սովի դէմ շտեմարաններ. աղքատութեան, թշուառութեան դէմ բարեգործական հաստատութիւններ, տգիտութեան դէմ ուսումնարաններ, որոնցից դուրս են գալիս ոչ թէ ապուշներ կամ գրագիրներ, այլ կատարեալ մարդիկ հաստատաշիմ սկզբունքներով: Անն ընտանեկան այնպիսի բարձր շրջաններ, որոնք զարգա-

ցնում են երիտասարդութեան բարի կողմերը
և մղում են նորանց առաքինութեան, հայրենասիր-
ութեան հերոսական ճանապարհի վերա և որ
ամենից վսեմն է, կան այնպիսի տիկիներ և
օրիորդներ, որոնցից հայրենասիրութիւն է բու-
րում. նրանց մարմին և արիւն է դարձած ազգի
բարձրութեան միտքը:

Իմ ակնարկած տիկիների և օրիորդների իղէա-
լը: Աղիշէի նկարագրած «Հայոց աշխարհի
փափկասուն տիկնայք» կամ պարոն Բաֆ-
ֆիի ստեղծած «Դաւիթ բէկի» Սիւրին է:

Արդարև Երևանը պարտաւոր էր ունենալ յի-
շեալ բարեմասնութեանց կատարելատիպը. նա մայ-
րաքաղաք է մի նաշանգի և կեդրոն 200 հազարից
աւելի հայ ազգաբնակչութեան: Տարակոյս չը կայ,
որ այդքան հոգիների պատասխանատուութիւնը,
որոնք բարոյական մեծնդ են խնդրում, պաշանջ-
վում է նորանից: Մի շատ իրաւացի պաշանջ, ո-
րին պատասխանում են շարիքներով և վատ օրի-
նակներով: Ուրեմն ինչ կարելի է գտնել այն շրջա-
պատումը, որի կեդրոնում կեանք, կրակ չը կայ:
Այդպիսի շրջապատում բարոյական բայքայումի
արհաւիրքից զատ ոչ այլ ինչ չէ կարելի գտնել:
Նորա մի կողմում մարդիկ կան, որ մարմին են
կողոպտում, միւս կողմիները մարմինն էլ, հոգին
էլ միասին են կողոպտում:

Մեր այս անհեթեթ պակասութեան վերայ խօ-

սելիս, մենք Սրեանք մէջ բերինք, միայն օրինակի համար: Հայերը ամեն տեղ միևնոյնն են, այն զանազանութեամբ, որ տեղ-տեղ մեղմ, և տեղ-տեղ խիստ աչքի ընկնող: Սրեանի նման բոլոր նազանգների քաղաքները իւրեանց գաւառների կեդրոնն են, իսկ Տփլիս բոլոր նազանգական քաղաքների մայրաքաղաքն է:

— Գաւառական քաղաքներում մանաւանդ շատ է պատահում տեսնել ծերունիներին, որոնք մի պատի տակին հաւաքված, յիշում են իւրեանց ժամանակակից հասարակական անցքերը, վերջ ի վերջոյ դոցա ձախորդ վերջաւորութեանց վերայ կանգնելով եղբակացութեան համար ասում են այն նշանաւոր խօսքը, որ չը կայ մի հայ, որ ասած, կամ լսած չը լինէր այն թէ «հայերը անմիաբան են, անմիաբան են եղել, անմիաբան էլ կը լինին»: Ես էլ այժմս նոյն ծերունիների դրութեան մէջն եմ գտնվում և նրանց հետ միասին բամբասում եմ ազգը:

Ծերունիների խօսքերը շատ անողոր բնաւորութիւն ունին. նորանց կարծիքով, այդ անմիաբանութիւն ասված բանը հայերի կաշուն անբաժանելի կպած սևութիւնը լինի, որ նորա հետ միասին գոյացել է արգանդում և նորա հետ միասին աշխարհի վերայ երևացել է:

Ես այն ամենին յայտնի միտքն եմ կրկնում, որ աշխարհումը առանց պատճառի ոչինչ չէ եղել. եթէ

հայերը միաբանվել չեն կարողացել արտաքին թըշ-
 նամիների դէմ, եթէ նոքա ոչ մի կապ չեն ունե-
 ցել ներքին կեանքի մէջ, եթէ նոքա եղել են հա-
 ւատարիմ, պիտանի ծառաներ օտար աշխարհնե-
 րումը և տուն քանդող տէրեր հայրենիքի մէջ. եթէ
 թշնամիները հայերին հայերի միջոցներով են յաղ-
 թել. եթէ հայի ամենասարսափելի հարուածը հայիցն
 է ստացվել. այդ բոլորը հետևանքներ են նորան,
 որ նոքա ինչպէս մի ազգ, մի հայրենեաց որդի,
 երբէք չեն ապրել, երբէք չեն թագաւորել: Նոքա
 բաժանված են եղել բազմաթիւ ցեղերի, որոնք
 անդադար կրծել, մաշել են իրար: Այս խօսքերիս
 հարկաւոր են վկայութիւններ, որոնք ես կը վեր
 առնեմ մեր պատմութիւնից: Ամենից առաջ ուշա-
 դրութիւն պէտք է դարձնել մեր չին աշխարհա-
 գրութեան վերայ: Այն տասն և ութ բաժանմունք-
 ները, որոնց մենք նաշանգներ ենք անուանում,
 դոքա ոչ այլ ինչ են, եթէ ոչ առանձին աշխարհ-
 ներ, անջատված միմեանցից բերդերով, միմեանց
 դէմ պաշտպանվելու համար: Գոցա անուններն էլ,
 ինչպէս Գուգարաց աշխարհ, Ուտիացոց աշխարհ,
 Աղուանից աշխարհ, Աղձնեաց աշխարհ և այլն,
 հաստատում են այն միտքը, որ դոցանից ամեն
 մէկը մի ցեղի է պատկանել, երբեմն տիրող, եր-
 բեմն անկախ, երբեմն վասալ մի չզօր. ցեղի: Բա-
 ւանան է միայն յետոյ
 մեկերորդ դարերի կառավարչական վիճակը: Մի-

այն Վերին արևելեան Հայաստանի փոքրիկ մասումը այդ ժամանակներումը իննը թագաւորութիւններ է յիշում պատմութեան մէջ, որոնք են. «Թագաւորութիւն Բագրատունեաց, թագաւորութիւն Արծրունեաց կամ Վասպուրականի, թագաւորութիւն Վարուց կամ Վանանդայ, թագաւորութիւն Թաղաց կամ Վասպնեաց, թագաւորութիւն Սիւնեաց կամ Փարխոսի, թագաւորութիւն Աղուանից կամ Վիւրեկեան, թագաւորութիւն Չորագետոյ, թագաւորութիւն Անձևացեաց, թագաւորութիւն Գարբանդայ»:

Պէտք է աւելացնել որ մնացած բոլոր նախաբարութիւններն էլ մի-մի թագաւորութիւններ են եղել առանց այդ տխուրսի: Պատմութիւնն էլ գոցատէրեր է անուանում, ինչպէս Սիւնեաց տէր, Մամիկոնէից տէր և այլն:

Սիայն այդ բոլոր ցեղերի մէջ նշանաւոր են եղել Հայկազեանց, Արշակունեաց և Բագրատունեաց չոր ցեղերը, որոնք և երբէք չեն կարողացել բոլոր հայերին տիրապետել: Բացառութիւն պէտք է համարել Արշակունեաց չորս թագաւորներին, այսինքն Վաղարշակայ, Արշակայ, Արտաշէսի և Տիգրանայ օրերը, որոնք միացած ուժով դէմ են տուել արտաքին թշնամիներին: Այնուհետև նոցա յաջորդները ընկել են ցեղերի ազդեցութեան տակ և յետզյետէ թուլանալով կորցրել են անկախութիւնը: Այսպիսով «բաժանեա զի տիրեսցես» Հռոմմէական կա-

նոնի համաձայն, հայերը օտարներէյ տիրապետ-
վելու համար միշտ պատրաստ, այսինքն իրանք
իրանց մէջ բաժանված են եղել. դորա համար էլ,
չնայեա՞ծ նորա աշխարհագրական ամուր դրից, բեր-
դերի շատութեան, բնակիչների քաջութեան, մեր
հայրենեաց դռները միշտ բաց են մնացել աւերող
օտարների արշաւանքների դէմ:

Այս ամենին յետևում է, որ նախնի հայերը քա-
ղաքականապէս չեն ապրել, ինչպէս մի ազգ, մի
կառավարչական մարմին: Համազգային դադափա-
րը կամ չէ եղել, կամ նորա դարգացումը ճնշված է
եղել ցեղականի տակը:

Յնդապետական դարերը կեանքը վաղուց ան-
ցել է. համազգային դադափարով ապրելու տարե-
գլուխը կարելի է այն թուականիցը համարել, երբ
մեր նախարարական, թագաւորական մի խօսքով
ազնուական ցեղերը ջնջվել վերջացել են մեր միջից,
թող անելով մինչև այժմ շարունակվող տխուր հե-
տևանքները: Այդ հետևանքները թերևս այնքան էլ
երկար չշարունակվէին, եթէ մեր հողերականու-
թիւնը ազնուականութեան տեղը չըռնէր: Մեր հո-
ղերականներն էլ իւրեանց հողոյ և մարմնոյ տի-
րապետութեան ժամանակին պատմութեան մէջ մի
ահագին տեղ են բռնում իւրեանց կաթողիկոսա-
կան, պատրիարքական, եպիսկոպոսական խայտա-
ռակ քարձակութիւններով: Նոցանից ամեն մի շտաղա-
ղութիւն ամենեցուն՝ քարոզող արեղան իւր նպա-

տակին չամենելու չամար, դոճել է ժողովրդի ան-
դորրութիւնը և վանքերի թանկագին ստացվածք-
ները և ղինել է եղբայր եղբօր դէմ: Նա կինդրէի
մեծապատիւ ունեկնդիւններից ուշադրութիւն դարձ-
նել մի երևոյթի վերայ. դա է, որ ամենամանպի-
տան չայերը միշտ վանքերի մօտ բնակված չայերն
են եղել: *)

Պատրիարքական և Աթոզիկոսական ինտրիգ-
ները նուազում են, անցնալի չամնամտութեամբ.
կրօնաւորների մի քանի նշանաւոր զուխներն էլ
նորա կողմն են: Ազնուականութեան յաջորդու-
թիւնը կատարեալ անկման մէջ է. այդպիսի ան-
մխիթար վիճակի մէջ նա չի եղել իւր բոլոր պատ-
մութեան մէջ: Նա ընկել է իւր մէջ և ազգի ա-

Մ անօթ. *) Մի քանի օրինակներ ցոյց տալու չա-
մար յիշում եմ Տաճկա-Հայաստանի Սուրբ Աարա-
պետի վանքը: Դրա մօտ մի Սօրղար անունով գիւղ
կայ, որի մէջ ապրում են քառասուն տուն չայ ժո-
ղովուրդ: Այդ բաղմութիւնը ոչ մի գիւղամտե-
տական պարապմունք չունի, որոնք ամեն բարի
յատկութիւններից մեկկացած զբազուած են միա-
բանների գործերով . . . և այդ եղանակով են
ապրում: Զխարաթ գիւղում որ վանքից աւելի չե-
ռու է, աստիճանաբար փոքրանում է այդ տեսակ
ամօթալի պարապմունքներով ապրողների թիւը:
Գիւղացոց կէսը երկրագործութեամբ է պարա-
պում: Զխարաթից այն կողմը չի անցնում արե-
ղանների ազդեցութիւնը, այն կողմը բոլորովին փոխ-
վում են գիւղացոց վարքը ու պարապմունքները:

ուաջ: Նա անդգայ է մնացել ժամանակի պահանջի դէմ: Ուրեմն ինչ կապ, յարաբերութիւն կարող է մնալ այն առաջնորդողի և առաջնորդուածի մէջ, երբ առաջնորդողը յետ, իսկ առաջնորդուածը առաջ է գնում:

Եթէ չեմ սխալուամ, կարծեմ, մենք այս վիճակի մէջ ենք գտնուում այժմ:

Բայց ինչ հարկ կար, կհարցնեն ինձանից, մի ճանապարհորդական տեսութեան համար, իրար վերայ անել ազգն ու ցեղը, խառնել պատմութեան տակն ու զլուխը:

Նս ներողութիւն կ'իմեղէի մեծ, ունկնդիրներից իւրեանց յայանելու, թէ այն երկիրը, ուր ես մի քանի ամիս առաջ պտտեցի, նա ինձանում արթ-

Բզնունեաց ծովի արեւելեան եզերքումը, Վանից 7 ժամ հեռաւորութեան վերայ շինված է Ասպարածին անունով վանքը և գիւղը: Մա ժամանակով կրօնաւորաց տեղ է եղել, բայց գիւղացոց յաջողվել է հալածել կրօնաւորներին և այժմ ինքեանք են կառավարում վանքը, կամ կառավարվում են վանքով: Նորա բնակիչները կոչվում են Տիրամօր մարդիկ, որոնք ոչ միայն Վասպուրականի, այլ և Պարսկա-Հայաստանումը Վիադինումը և Ալաշկերտումը յայտնի են իւրեանց աներես և անխիղճ բնաւորութեամբ: Նորա բունութեամբ քաշում տանում են խաատտիկ հորթեր, եզներ, կովեր: Այդ գունաւոր բիծերը նորա համարում են Տիրամօր նշանը, որով որոշվել են նորա մատաղացուները: Վրա համար է, որ այդ կողմերը այդ տեսակ կեն-

Նայրնց անցեալի յիշատակութիւնները, իւր չին
 չայերի կեանքի նմանողութեամբը: Թէև այնտեղ
 չկան չայեր այժմ, այնտեղ ապրում են թիւրքեր՝
 բայց ապրում են չին եղանակով: Պատմական նա-
 խարարներ չկան, բայց կան խաններ, ցեղապետներ,
 որոնք նոյնպէս աւերում են, կրակի են տալիս մի-
 մեանց երկիրները, մնասում են ընդ հանրութեան,
 իւրեանց անձնական թշնամութեան համար: Նոյրա
 նոյնպէս տիրապետում են միաշէժան, ամբողջու-
 թեան, գոյութիւնն ու կեանքը անպայման կեր-
 պով ենթարկուած է անհատի հաճոյքին և կամա-
 կայութեանը:

Մեր պատմութեան մէջ վատ ուսումնասիրվածը
 ժողովրդական կեանքի մասն է. մինչև անգամ
 կարելի է ասել, որ մեր պատմութիւնն ազնուա-

դանիններ քիչ են գտնվում: Բնակիչները Տիրամօր-
 ցոյ ձեռքից ազատելու համար մօրթոտում են: Այն
 տեղ են հաւաքվում եւ կրի բորտանները և ուրուկ-
 ները բժշկվելու մտօք, թերես այդ սովորութիւն-
 ները պատմական ժամանակներից մնացած լինի:
 Այդտեղ են հաւաքվում մի տեսակ վերքերով ծած-
 կված մարդիկ. այդ վէրքը անուանվում է «Տիրա-
 մօր եարայ» որով Տիրամայրը պատժում է այն ա-
 մենքին, որոնք իրան մատաղայու և նուէրներ չեն
 տալիս: Տիրամօր եարան ոչ այլ ինչ է, և թէ ոչ վե-
 ներական վէրքեր: Անդրկովկասի վանքերը ու նոցա
 աղցեցութիւնը իւրեանց շրջակայքում բնակվողների
 վերայ ծանօթ լինելով ունկնդիրներին, աւելորդ եւ
 համարում դոցա վերայ խօսել:

կան ցեղերի պատմութիւնն է միայն: Այնտեղ ժողովրդական պարապմունքների և արհեստների մասին ոչինչ չը կայ * :

Պատմութեան մէջ առհասարակ ժողովրդի, այդ ռամիկ կոչված արարածների վերայ խօսում է այն ժամանակ միայն, երբ որ նոքա սովից կամ վարակիչ հիւանդութիւններից ջարդվել են տասնեակ հազարներով, կամ մի բռնաւորի ոտի կոխան են եղել, գերի են գնացել և կամ դաղթել են: Բրանով միայն մենք հասկանում ենք, որ Հայաստանում ժողովուրդ էլ է եղել: Բայց նա այնքան ոտոր է եղել, որ ջորիների ու աղնիւ ձիերի ցեղերը աւելի լաւ մտքով են յիշվում պատմութեան մէջ: Իսկապէս նա դրօսի նշանակութիւն է ունեցել,

* Մանօթ. 1878-ին Գանձակի հարաւային լեռները (Արցախի մէջ) Գարդմանաց Փառխոտի, Քարհատի, Գետաբեկի և Սկանապատի շուրջը պտտելիս ես պատահեցի հին բաղմաթիւ հանքային բովանդեղերի, մանաւանդ Քարհատի ձորը, ուր հարիւր հազարաւոր մարդիկներ աշխատել են այնտեղ, անհամար հին հանքաչորերով (շախթ) բոլոր տարածութեան մակերևոյթը ծածկված են: Յայտնի է թէ ինչ են հանել երկրի խորքերից: 1863-ին Սկանապատումը մի սղոնձի հանքաչոր գտնվեց, լիքը հանքային գործիքներով: Փիփ գիւղի բազլեղի հարուստ հին հանքի մօտ մի տեսակ սպիտակագոյն մարմարի հանք կայ, ուր դեռ նշմարվում են հին սղոցած կտորներ: Բանանց և Խաչակապ գիւղի միջև մինակ այժմ էլ շարունակում են բոլոր գործել իւրեանց հանքերի երկաթը: Փիփեցիք մին-

որ թուերի կողքին դրուելով գումար է կազմում:
Հայ ազնուականութեան սիստեմը միշտ անաս-
նութեան աստիճանի է հաւասարեցրել ժողովրդի
վիճակը, և դրա համար է որ Օշականցի Մօրիկը
հող չի գտնում իւր հայրենիքում զարգանալու, բայց
Յունաստանում դառնում է կայսր*): Այդ մէկը մի-
այն եւս օրինակի համար յիշեցի. Չեզ թող կանեմ
յիշելու բոլոր հայոց երևելի տաղանդները, որոնք
փայլել են օտար ազգաց մէջ և օտար ազգաց օգ-
տին: Ժողովրդական դասակարգից բարձրացած
հերոսներ մենք չենք ունեցել մեր մէջ, ստրուկ-
ների միջից երբէք հերոս չի ծնվել:

Ահա այդ հայեացքով եւ նմանութիւն եմ գտնում

չև հանքի կառավարութեան ձեռք անցնելը պատ-
րաստում էին բազլիզ: Նա հին հայոց արուեստա-
գործութեան շարունակութիւնն է, որ հասնում է
մինչև մեր օրերը: Բայց պատմութիւնը ոչինչ չէ
յիշում, թէ այդ ամենը երբ են մշակվել: Գետաբե-
կի (Գետաբեկ) յոյն բնակիչները աւանդութեամբ
պատմում են, որ Գետաբեկի այժմեան գերմանացի
Սեմենա եղբայրների պղծաձահանքը հնում հայոց
թագաւորական յանցաւորների համար նշանակված
հանքահորերն են եղել, ուր բազմաթիւ դատապարտ-

*) Մանօթ. Հետ սքլքրիների համար կը յիշեմ,
որ մինչև այսօր էլ Օշականում մնում է Մօրիկենց
տունը, որի դռան կանդնեցրած է մի արձան արա-
գիլի բոյնը գլխին. դա կայսրն է կառուցել իւր
հանգուցեալ հօր զեւրոպական վերջը.

պատմական հայ ուսմիկի (ժողովրդի) Մաղուայ խանութիւնների մէջ գտնուած ժողովրդի հետ:

Առ այժմ թոյլ տուէք ինձ նորա աշխարհագրական դրից վերայ մի համառօտ հայեացք ձգել:

Իմ ճանապարհորդած աշխարհը հնում բաժանվում էր երեք գաւառների, որք են՝ Գոգ-հովիտ, Վարաժնունիք և Արտաղ: Առաջինը գտնվում է Արարատեան նահանգի մէջ և այժմ բաժանված է երեք տէրութեան սահմանազլխների. երկրորդը գտնվում է Տուրուբերան նահանգի մէջ, որի մեծ մասը հաճկաստանին է միացած. երրորդը բոլորովին Վարաժնունեաց փոքրիկ մասի յետ պատկանում է Պարսկաստանին:

վաճենքը ստորերկրեայ աշխատանքով քաւել են իւրեանց յանցանքները: Գետաբեկի շուրջը մինչև 7 հին ժամանակում մշակված պղնձի հանքաձորեր կան: Խորենացին միայն Արտաղէս Բ թագաւորութեան ժամանակին է նուիրում արուեստից վերաբերութեամբ մի քանի համառօտ անորոշ տողեր. «Արուեստից գիտութիւն որ ինչ յաւուրս Արտաղիսի» խորագրի տակ, որոնք ընդօրինակում են այստեղ: «Զի թէպէտ և զայն ամենայն զոր ինչ յիշատակեցաք յառաջագոյն ճառիցն, կարգ և սովորութիւնք գեղեցիկք հաստատեցան 'ի Վաղարշակայ և յայլոց առաջնոց թագաւորացն, այլ 'ի մեծամեծ արուեստից և 'ի գիտութեանց ունայնացեալք էին, որպէս հինից և ասպատակայ պարսպեալք, և այսպիսի գիտութեանց կամ անփոյթ արարեալք և կամ ոչ հասեալք. զշաքաթուց ասեմ

Փամանակի հոսանքները դանազան անուներ են տուել այդ աշխարհի մասերին. Գող-հովիտի մի մասը, որ Պարսկաստանին է պատկանում կոչվում է Աւաջուղ. Վարաժնունեաց մասը կոչվում է Զչարդերան. Արտաղի մի մասը՝ Բարայլք. Աւարայրի դաշտի կողմերը առանձին անուն չունին և ճանանչվում են Գարաղեաղղին գիւղի անունով:

Յիշեալ գաւառները մի քանի դաշտեր և հովիտներ ունին, նոցանից Մազուայ դաշտը եղբրում է Նրասխին հարաւա-արեւելեան կողմից և ձըգվում է հիւսիսից դէպի հարաւ մինչև Աւարայրի դաշտը, որից զատվում է մանր բլրակներով. արեւմուտքից տարածվում է մինչև Մազուայ ձորը: Այս դաշտը կտրում է Մախաթ լեռների դէպի հարաւարեւելք ձգուած շարունակութիւնը: Մախաթ լեռները Մասիսի փոքրիկ բլուրներն են, որին միանում են Գամբատ լեռներով: Մազու դաշտի վերայ գետեղուած են մօտ քսան և հինգ գիւղեր,

և դամոց և զտարեաց բոլորմանց: Քանզի ոչ այսպիսի ինչ ճանաչիւր առ նոսա, այլոց ազգաց վարելով. և ոչ ՚ի ծովակս աշխարհիս նաւազնացութիւնք, և ոչ ՚ի վերայ գետոց ճանապարհորդութիւնք, և ոչ դործիք ձկանց որսոց. այլ և ոչ յամենայն տեղիս երկրագործութիւնք, բայց դոյզն ուրեք՝ ըստ օրինակի հիւսիսականաց կողմանց շաղ-ղակերութեամբ և այլովք այսպիսիօք կեցեալք: Աւայս ամենայն յորինի յաւուրս Արտաշիսի»:

որոնք բաց առած մի քանի քրդերենը մնացած-
ների բնակիչները Ատրբէջանի թաթարներ են: Դո-
րա արևմտեան եղերքից հոռում է Մազու գետը,
կամ Ադ-չայ, որ դուրս է գալիս Մազուայ ձորից:

Աւարայրի դաշտը գտնվում է $62^{\circ} 30'$, $62^{\circ} 45'$,
 $39^{\circ} 0'$, $38^{\circ} 45'$ լայնութեան և երկայնութեան
աստիճանների տակ: Աւարայրի դաշտի շուրջը բնակ-
վում են Ալալ-լաշիք, կամ Գարագոյունցիք և
թաթարներ, կաղմելով մօտ տասն երեք գիւղեր,
որոնց գլխաւոր տեղին է Աարաղեաղին: Այդ սրբա-
գործած դաշտի վերայ այժմ ոչ մի հայ չէ ապրում:

Աւարայրի դաշտի միջիցն է անցնում Տղմուտ
գետը, որ գլխաւորապէս սկսվում է Տաճկահայաս-
տանի արևելեան սահմանագլխի Շաւարշ (Շաւա-
րէշ) լեռների հարաւային կողմերից և հոսելով
արևմուտքից դէպի արևելք, երկու հաւասար մա-
սերի բաժանելով Աւարայրի դաշտը, Մարիքենդ
գիւղի մօտ խառնվում է Աարմիր կամ Աօթուր գե-
տին և նորա հետ թափվում է Երասխի մէջ Գա-
րաշամ գիւղի մօտից:

Աւաջուղը ընկնում է $62^{\circ} 0'$ $61^{\circ} 45'$, $39^{\circ} 30'$,
 $39^{\circ} 15'$ լայնութեան և երկայնութեան տակ, 7240
ոտնաչափ բարձրութեան վերայ: Արևմուտքից սահ-
մանակից Տաճկաստանի Զաղկոց (Ալատաղ) լեռան:

Աւաջուղը մի հրաշագեղ, զոգածև հովիտ է, կար-
ձևս Գոգ-հովիտ գաւառի անուան կոչումը այդ հով-
տից առնուած լինի: Գոյա վերայ շինված են

տասներկու գիւղեր, որոնց մէջ բնակվում են քրդերը և մեծ մասամբ թաթարները: Չնայեած, որ ես ձմեռնամուտին էի ճանապարհորդում այդ գեղածիծաղ վայրերումը և ձիւնը նոցա բարձրութեանց վերայ օղակի պէս շրջապատել էր ամեն կողմից, բայց ինքն ըստ ինքեան երևում էր, որ այդ բեղմնաւոր և հովասուն տեղերը շատ յարմար ապաստարաններ են խաղաղ երկրագործների և հովիւների համար և արժանեաւոր ամառանոցներ են եղել մեր նախնի թաղաւորազուհներին: Աւերջի պատերազմի ժամանակ Աւաջուղը առատութեամբ մատակարարեց Ռուսաց Երևանեան բանակին դարի և ցորեան: Աւաջուղը առանձին խանութիւն է Պարսկաստանի իշխանութեան տակը, նորա գլխաւոր տեղին է Քիլիսա-քեանդ, ուր նստում է Փաշախանը, երկրի կառավարիչը:

✦ Աւաջուղին կից դէպի հարաւ ընկնում է Թայգաբարայ հովիտը $61^{\circ} 45'$, $62^{\circ} 6'$, $39^{\circ} 15'$, $39^{\circ} 0'$ լայնութեան և երկայնութեան տակ: Արևմուտքից սահմանակից է Տաճկա-Հայաստանի Մահադանք և Արաղայ դաշտերն: Այս ջրալի հովիտը երկարացած է հիւսիսից դէպի հարաւ, ունի ընտիր մարդոգետիներ և պտղատու վարելահողեր: Տասն մէկ գիւղեր են շինված այս հովտումը, ուր ապրում են քրդեր և թաթարներ: Քրդերը մեծ մասամբ ապրում են նորա արօտալի լեռների վերայ: Այս աշխարհի գլխաւոր տեղին է Աւարայ-նի, ուր նստում

է Հայտարանցոց ցեղապետ քուրդ Հիւսէին աղէն, երկրի կառաւարիչը, որ երկու հարիւր յիսուն վրանարնակ քրդեր և քանի թաթարների զիւղեր ունի իւր իշխանութեան տակ:

Աւաջուղի և Գարայնի միջիցն է անցնում Տաճկապարսկական տրանզիտնի ճանապարհը:

Փոքր Մասիսի և Գամբատ լեռան մէջն է ընկնում Գամբատ հովիտը, որ թէև գեղեցիկ, բայց բոլորովին ամայի է մնացել: Գորա աւերակները և մեծամեծ ընկուղի ծառերը վկայում են, որ ժամանակով մշակված և ծաղկեալ վիճակի մէջ է եղել: Այստեղ Փոքր Մասիսի արևելեան ստորոտումը դռնվում են մեծամեծ քարայրներ, որոնք դեռ քննված չեն: Գամբատ հովտի վերջին բնակիչները քրդերն էին, որոնք անցեալ սովին մեռան և մնացեալները ցրուեցան:

Այս աշխարհի ամենամեծ գետը Մազու գետն է, որ ուռողում է Մազուայ դաշտը: Նորա մի ճիւղը սկսում է Տաճկա-Հայաստանի Շիւլի լճից, որ Բայազիտի հիւսիսումն, Մեծ Մասիսի ստորոտումն է: Միւս ճիւղը իջնում է Աւաջուղից, որ Սանգիար գիւղի մօտ խառնվում է առաջինի հետ, իսկ երրորդ ամենամեծ ճիւղը բաժանվում է երկք գլխաւոր սկիզբների. առաջինը, Սարիղայիր, սկսվում է Շաւարշ լեռների հիւսիս-արևելեան կողմերից և ուռողում է Թայգարարայ հովիտը երկրորդը, Կուսանաց գետը, իջնում է Աւաջուղի հարաւային

սահմաններից և բերելով Արշակաւան քաղաքի աւերակները, Հարամլու ձորումը միանում է Սարիղայրի ճեառ: Այրորդը բզխում է Սանատրուկ և Սաեար լեռներից, անցնում է Քաղէոս առաքելոյ վանքի տակից: Այս երեք ճիւղերը Ասպարածին վանքի աւերակների մօտ խառնվում են իրար և կազմում են Ջենդիւմեր գետը, որ Ակի ժայռոտ և դժուարակոխ ձորից անցնելով հարաւից դէպի հիւսիս Օղակ գիւղի մօտ խառնվում է վերոյիշեալ ճիւղերի ճեառ և շրջելով ընթացքը դէպի արևելք, մտնում է Մազուայ ձորը:

Ամենից հետաքրքրական երկու Մասիսների մէջ եղած հարաւային ստորոտներն են, ուր ամեն քայլափոխում ճանապարհորդը պատահում է հնութիւնների. մի տեղ երևում են քանդուած եկեղեցւոյ պատերը, միւս տեղ պարիսպների հիմունք, բնակարանների հետքեր և այլն: Այդ դեռ անծանօթ վայրերի վերայ մի գաղափար ունենալու համար, ես մի քուրդ առաջնորդ գտայ, որ ծանօթ էր նոցա դժնդակ շաւիղներին: Հակառակ առաջնորդիս նախազգուշութիւններին ճանապարհի վտանգների և անտանելի դժուարութեանց մասին, կէս գիշերին մենք ուշ ճանապարհ ընկանք, որովհետև ձիով շարժուիլը անկարելի էր: Ինձ շատ հետաքրքրական էր տեսնել մի բնակված քարայր: Վեց ժամ երկու Մասիսների միջի ուղղութեան վերայ մազլցելից զկնի, լուսաբացին մենք հա-

սանք մի քարայրի դռան, որ ներկված էր զժգոյն ղեղձի և կարմրի խառնուրթներով: Այրի դռան շինված էր մի փոքրիկ խղիկ, այստեղ կենում էր այրի պահապանը, որ մի առոյգ ձերունի էր: Գիւղը բաղկանում էր վաթսուն տնից, որոնք իւրեանց ոչխարներով, տաւարներով, ընտանիքով տեղաւորուած էին այրի մէջ:

Նրբ մտանք այրի մէջ միտս ընկաւ Աւերգիլիոսի նկարագրած տարտարոսը:

Քարայրի ներսը սևացած էր ծխից. նորա աջ և ձախ անթիւ խոռոչներից, ուր տեղաւորուած էին ընտանիքներ, տաւարներ, ոչխարներ, սատանայի նման դուրս էին գալիս նորա բնակիչները, որոնց գոյնը ղժգոյն ղեղձութեամբ ներկվել էր ծխից: Սս առաջնորդիս յայտնեցի, որ ցանկանում էի այրի բոլոր խորերը պտտել: Նա իմ ցանկութիւնս հաղորդեց պահապանին, որ մեզ ընկերացել էր, բայց նա յայտնեց որ այդ բոլորովին անկարելի է. նորա համար, որ մենք քարայրի անթիւ բաժանմունքներում անտարակոյս կ'մոլորվէինք և թերևս այստեղից չ'կարողանայինք բոլորովին դուրս գալ. բացի այդ, շարունակեց նա, ճանապարհի վերայ կան այնպիսի լայն վիհեր, որոնք իջնում են երկրի խորը և լիքն են ջրով, դրանք կամրջելու համար հարկաւոր էին փայտեր և տախտակներ, որոնք այնտեղ չկային:

“Բայց դուք չ'գիտէք, թէ այրը ինչքան է ձրգ-

վում, որքան բաժանամունքներ ունի, ուր է վերջա-
նում նորա շարունակութիւնը, հարցրի ես:

— «Այդ միայն Աստուծոյ է յայտնի», պատաս-
խանեց պահապանը:

Յուսահատված այդ պատասխանից ես սկսեցի
ընտանեաց բնակարանները այցելել. մի քանի այ-
ցելութիւնիցս յետոյ ես մտայ նոցա մեծաւորի
բաժնումը. ցեղապետը բացակայ էր: Նորա բնա-
կատեղին բաւական ընդարձակ էր, ուր մի երկար
և տաս ոտք լայն մասը նշանակված էր ոչխար-
ների համար, նորան կից բաւականին լայն և բարձր
մասը նշանակված էր տաւարների համար, որոնք
բոլորն էլ արածելու էին զնացել: Պոռոչի ձախ կող-
մը՝ որ բոլորակ ձև ունէր, տասն և հինգ ոտնա-
չափ շրջապատով ապրում էին իշխանի ընտանիքը
և ահա տանտիկինը (եթէ թոյլ կ'տաք ինձ ասելու
իշխանուհին) վառել էր աթարի կրակը, նորա վե-
րայ հաստատել էր սաջը և կորեկի հաց էր եփում:
Իմ ներկայութիւնս բոլորովին նորան չընդմիջեց և
ոչ նորա չորս հինգ չարաճճի տկտր մանուկներին,
որոնք յափշտակում էին զեռ կիսանփի հացը՝ իսկ
մայրը պատահողի գունդ զլիսին րփացնում էր իւր
ալրաթափախ ձեռքի հարուածները: Ահա ինչ ժա-
մանակից են սկսում քրդերը յափշտակութիւն սո-
վորել, մտածում էի ինքն իրանս, երբ թեկիցս ձիգ
տուին, ես շուռ եկայ և մթութեան ու ծխի արան-
քից նկատեցի Բրոյի (իմ առաջնորդի) զէմքը, որ

նշանացի կանչում էր ինձ: Եւ ճետեցի նորան և մենք մտանք մի անբնակ խոռոչի մէջ: «Մեչ կայ, Բրօ», հարցուցի:

— «Այս քրդերի միտքը փոխվում է», պատասխանեց, «քո փայլուն ղէնքերդ և փայլուն կոճակներդ սաստիկ հրապուրել են դրանց: Բոքա կարծում են, որ քո գրպաններդ լի են ոսկով, այսպիսի հրապուրանքը մեզ համար վատ վախճան կ'ունենայ», շարունակում էր Բրօն, — «ուրեմն քանի որ օր ունենք, պէտք է շտապենք այստեղից ճեռանալու»:

«Միւնոյն չէ», պատասխանեցի ես, «այստեղ սպանողը դրսումն էլ կարող է սպանել, լաւ չէ, որ այս խոռոչում մենք մեզ պաշտպանենք»:

— «Այստեղ կարող են մեզ փակել և սովամահ անել, դուրսը մեր փախստեան ճանապարհը բաց է և ժայռերը կը պաշտպանեն մեզ», պատասխանեց Բրօն:

Բրօյի խորհրդածութիւնը շատ իրաւացի էր: Փոքր մտածելից զկնի սկսեցի առաջ գնալ, հրամայելով Բրօին որ ինձ ճետակի:

Այրի դռան ծեր պահապանի զլխին հաւաքվել էին երիտասարդ քրդերը, որոնք մեզ ականելուն պէս մի մի կողմ ծածկվեցան: Սա շատ վատ նշան էր:

Բրօն մի շարժում արեց փախչելու, ես պինդ կոխեցի նրա ոտքը, որ ցաւիցն հարայ տուեց, խկոյն շուռ եկայ ղէպի նա, իբր թէ ներողութիւն

խնդրելու համար, և նշանով սաստեցի նորան որ կանգնի, յետոյ դառնալով դէպի պաշապանը հարցրի:

«Այս կողմերը չ'կան անդեօք հին շինուածքներ, խաչարձաններ, դրքեր»:

— «Շատ կան», պատասխանեց ձերուկը, ձեռքը դէպի աջ ու ձախ շրջելով:

«Նի՞՛ն մենք վերադառնանք», կրկնեցի ես, «քարայրում մեզ զիշերելու տեղ և հաց կըտան»:

— «Աէր սարան սարան ճաւան», իմ զլխիս ու աչքիս վերայ, կեղծաւորութեամբ զուխը խոնարհեցնելով և աջ ձեռքը սրտին դնելով պատասխանեց պաշապանը: Բրօն, որ իմ միտքս հասկացել էր, սկսեց գովարանել նոցա հիւրասիրութիւնը:

Խօսք տալով, որ երեկոյին կ'վերադառնանք, մենք սկսեցինք ծանր ծանր ճեղքանալ. մի քանի քայլերից զկնի արդէն ժայռերը ծածկել էին մեզ շար ու բարի աչքերից: Մի ժայռի պատառուածքի արանքից Բրօն ինձ ցոյց տուեց այրի մուտքը, ուր կանգնած էին մօտ երեսուն հողի զինեալ զբրդեր, և նոքա նայում էին մեր բռնած ուղղութեան վերայ, ինչպէս արծիւք նայում է իւր որսի վերայ:

«Շատ ուշ, մոմուաց Բրօն»:

— «Իրանք ինչ են ուզում», հարցրի ես:

«Իրանք կամ մեր ճանապարհը կ'կտրեն, կամ մեր ետևից կ'ընկնեն. մեզ մնում է միայն շտապել և մեր բռնած ուղղութիւնը փոխել:

— «Աւրեմն առաջ ընկիր», ասացի ես:

Բրօն ընկաւ առաջ, պատվիրելով ինձ, որ շուտ շուտ յետ մտիկ անեմ, պատրաստ պահելով հրացանս:

Այնուհետև սկսվեց մի առջի արշաւանք: Բրօն, այժեամի պէս, թէթև թռչում էր ժայռից ժայռ, կապկի նման մազլցում էր լաւաների կտորների վերայ: Ես անտանելի դժուարութեամբ չետեսում էի նորան, ինձ սաստիկ նեղում էր հրացանս, որ ստիպուած էի պատրաստ ձեռու մս պահել. միայն հետամուտ փտանդը ոյժ էր տալիս ինձ: Կէզ դարմանալի տեղերից անցկացանք մե՛ք, դա ոչ թէ մի քարքարոտ, այլ մի քարէ տնտառ էր: Ամեն մի քայլափոխիս Բրօն ծածկվում էր աչքիցս, ամեն յաջորդ քայլափոխին ես տեսնում էի Բրօնին, որ մի ժայռի ծայրից ներքև էր սողում: Իմ եղունգներս բոլորը փշրված և մատներս արիւնտտած էին: Չգիտեմ որչափ տևեց այդ արջային արշաւանքը, երբ Բրօն յանկարծ կանգնեց:

«Ի՛նչ կայ Բրօ»:

— «Մենք այլևս առաջ չենք կարող դնալ. մենք զսնվում ենք մի դահավիժի ծայրում, որը կտրում է մեր ճանապարհը ամեն կողմից»: Իսկ Մասիսի անթիւ վիհերից մէկն էր, որ լաւային հոսանքները ստեղծել են:

«Յետ դառնանք և մի այլ անցք փտուենք», ասացի ես:

— «Անօգուտ», պատասխանեց Բրօն, «արդէն մոթն է, մենք մթութեան մէջ կսպրտեմք և ժայռերին դիպչելով փշուր ! մշուր կը լինենք, Բացի այդ մենք մոլորուել ենք» :

«Ուրեմն գիշերենք այստեղ» :

— «Այո, այստեղ այնքան ապահով է, որ սատանէքն անգամ մեզ չեն կարող գտնել» :

Նս սաստիկ հողնած էի, խսկոյն հրացանս և մէջքս կրթնեցրի քարին, պսպսպեցի և զլուխս երկու ձեռներիս մէջը դրի :

«Ի՞նչ ես մտածում», հարցրեց Բրօն :

— «Հիմա», պատասխանեցի ես, «իմ ընկերներս և ծանօթներս հանդիստ տաք սենեակում նստած թէյ են խմում» :

Բրօն ծիծաղելով իմ երևիսայակսն դանդաղաբար վերայ — «կարելի է իրիկնահաց են ուտում» — հեղնութեամբ ասաց :

Նա ակնարկում էր, որ մենք ուտելու հաց չունինք, իսկ էլ, թեթևութեան համար ոչինչ չէինք վեր առել մենք, յուսալով, որ քրդերի մէջ կը գտնենք, Խսկոյն միտս ընկաւ որ զրպանումս փոքրիկ շիշով օղի ունէի, ձեռս տարայ և բարեբաղտաբար անվնաս դասայ : Այդ ողելից ըմպելին այսպիսի հանգամանքներում խիստ կազդուրիչ է : մանաւանդ մեզ համար, որ թէյի և իրիկնահացի տեղ էր բռնում, ախորժակով երկու կում խմեցի և շիշը առաջարկեցի Բրօնին, որ քիչ նազելուց յետոյ,

կոխ տուեց Մաշամմետի տասնարանեայ պատվիրաններէից մէկը և անուշ արեց արաղը: Բրօն, տաքացած ողկլի ըմպելիքով, ինձ շատ հետաքրքրական պատմութիւններ արեց Մասիսների քարայրների մասին, որոնց մէկը ես յարմար եմ համարում այստեղ յիշելու:

Սովից առաջ, ասում էր Բրօն, Մասիսների այրերը բոլորը վիքն էին քուրդ բնակիչներով, որոնք ձմեռելու էին դալիս այստեղ: Ես անդադար գնում դալիս էի իմ ծանօթների մօտ: Մի անգամ մի անծանօթ քարայրի պատահեցայ և ներս մտայ այնտեղ, ես դտայ մեծ քանակութեամբ զգեստների կտորներ իրար վերայ դարսած և դրած մազադաթի կտորներ, զրքեր: Գրքերը ինձ պէտք էլին, ևս ձեռս տարայ դէպի զգեստեղէնները, որ նրանցից օգուտ քաղեմ, բայց ափսոս, որ նրանք ափիս մեջ մշրվեցան*) և հող դարձան:

«Ձեռ կարող այժմ ցոյց տալ ինձ այդ այրը», հարցրի ևս:

— «Ոչ», պատասխանեց Բրօն, «այդ այրը զրտնելու համար մի շարաթ պէտք է մանդալ, այժմ ձմեռն է, այս ձորերը շատ անգամ ամբողջ շարաթներով ծածկվում են մշուշի տակ, նոյն իսկ

*) Մանօթ. Մշրելը Վանեցիք դործ են ածում փուխր առարկանների մանրելուն, ինչպէս փշրելը դործ է անվում կարծր առարկանների համար:

այստեղ, այս գիշեր մենք ապաչովված չենք մշուշի
դէմ: Պիշերս կարող է մշուշը ծածկել մեզ և այս
ձորերը, և մենք կորած ենք այն ժամանակ»: Յաւե-
լով յիշեցի կողմնացոյցս, որ ես Աւաջաղոււմը Փա-
շախանին էի ընծայել:

«Բայց մենք մոտակայ քարայրներում այդպիսի
հանդամանքում չենք կարող ուտելիք դանել»:

— «Բոլոր քարայրները այժմ դատարկ են, բացի
այն մէկից, որ մենք տեսանք»:

«Ապա ինչ եղան նոցա բնակիչները», հարցրի ես:

— «Բոլորը մեռան սովից, մնացածները սրվե-
ցան»:—

«Ի՞նչու համար հարուստ ցեղերը չ'օգնեցին այդ
խեղճերին և չ'ազատեցին նրանց սովից»:

† — «Քուրդ ցեղերը» — պատասխանեց Բրօն. — «յա-
ւիտենական թշնամութիւն են մեուցանում իրար
դէմ. ցեղերը ցեղերի դէմ յարուցանում են կռիւ,
սպանութիւններ, կրակ, աւերումն և երբէք օգնու-
թիւն: Ես ինքս մի հայի շնորհիւ ազատվեցայ սո-
վամահից: Այդ մարդը իւր լնտանիքի կտոր հացից
ինձ բաժին հանեց»:

Իրաւունք ունէր Բրօն, ցեղեր ցեղերին երբէք
չեն օգնիլ: Յեղապետական սկզբմանց մէջ այդ չկայ:
Մի ցեղը իւր աճելութեան համար պիտի ճնշէ միւ-
սին: Քրդերը, այդ մեր վայրենացած ազգակիցները
մեր պատմական կեանքի տխուր պատկերն են ներ-
կայացնում: Որովհետև նրանց մէջ դեռ ազնուա-

կանութիւնը պահպանւում է, որ մի ազգը անթիւ
ցեղերի են բաժանում: Ամեն մի քուրդ իւր ցեղա-
պետի անպայման զիրքն է: Աւ ինչ կը լինէր մեր
Տաճկաստանցի եղբարց լիճակը անցեալ մեծ սո-
վին, եթէ մեր նախարարական ցեղերը դեռ ապրել
շարունակէին: Հաւատացնում եմ Ձեզ, որ ոչ մի հայ
չ'էր ապրի պատուհասից, և մենք Տաճկա-Հայաստա-
նումը այժմ ազգի տեղը նորա ընդարձակ գերեզ-
մանատունները կը գտնէինք միայն: Յովանէէս
կաթողիկոս, Առաքել պատմագիրը և ուրիշները
սարսափելի պատկերներ են ներկայացնում սովի
ժամանակում կատարւած, թէ ինչպէս եղբայրը
եղբօր սպանել է, հայրը իւր որդուն մորթել է,
մայրը իւր աղջկան կ'երել է, բայց ոչ մի տեղ յիշ-
ված չը կայ, որ մի հայ միւս հային օգնած լինէր
մի կտոր հաց տուած լինէր:

Այսպիսի տխուր մտածմունքներ փարատելու հա-
մար, ես խնդրեցի Բրօյից, որ մի հեքիաթ ասի,
իսկ ինքս պատրաստուեցի երկու քարի արանքու-
մը քնել: Բրօն սկսեց պատմել, ինչ որ մի քուրդ
ցեղապետի անընման աղջկան, Սալթանաթ խանի
մի սիրահարական արկածները, բայց թէ ինչպէս
վերջացաւ, այդ պէտք է Բրօից հարցնել: Խոստովա-
նում եմ, որ իսկոյն քնեցի և կեսնքումս այնպէս
քաղցր քնած չէի:

Առաւօտ վաղ Բրօն վեր էր կացել, ման եկել
և ճանապարհը դտել և վերադառնալով ի՞նչ արթ-

Նացրեց: «Պէտք է շտապել», ասաց նա, ամպերը Մասիսներից ցած են իջնում: Յուրաքը թմրեցրել էր ինձ. իսկոյն շիշում մնացած օղիի կէսը յիշեցի, և մնացածը տուի Բրօին, իսկ դատարկ շիշը յանձնեցի քարածայռի սլազպանութեան: Երեք ժամ ճանապարհորդելից յետոյ մենք գտնվում էինք բոլորովին ասպազովութեան մէջ, այսինքն Բրօյի ծանօթի տանը ու եղ ու ձու էինք ուտում: Ցաւում եմ շատ, որ այդ անշուն յիշատակարանաց և հնութեանց մէջ մտնելով և դուրս գալով, կարող եմ միայն այս հասարակ դիպուածը պատմել. միևնոյն է թէ մէկը մտնի մի ամենահարուստ մուղէումի մէջ և դեռ որոշ ոչինչ չը տեսած, նորա թեկից բռնեն և դուրս ձգեն: Բայց ես Բրօյին խօսք տուի այդ անյաջող ճանապարհորդութիւնը կրկնել մի այլ անգամ:

«Որ եղանակ աւելի յարմար է», հարցրի:

— «Գարուն» — պատասխանեց նա:

Յիշեալ գաւառների կեդրոն և մի միայն քաղաքը է Մազու, որ ընկնում է 62° ու $0'$, 62° ու $15'$, 39° ու $30'$, 39° ու $15'$ լայնութեան և երկայնութեան տակ, չորս հազար երեք հարիւր յիսուն երեք (4353) ոտնաչափ թարձրութեան վերայ: Մազու շինված է Փոքր Մասիսի հարաւակողմը, նորանից յիսուն վերստ հեռաւորութեան վերայ, Գալա-դադի ստորոտում մի նեղ ձորի մէջ, որ ձգուած է արեւմուտքից դէպի արևելք: Մօտ չորս հարիւր տուն

ժողովուրդ ունի, որոնցից հարիւրը հայեր են, մնացածը Ադրբէջանի թաթարներ են: Նորա հողաշէն տները շինված են ձորի հարաւային դառիւայրի վերայ, փողոցները ծուռը—մուռ և չափազանց նեղ են: Նորա բերդը ոչ այլ ինչ է, եթէ ոչ մի քանի պատեր իրենանց ծածկոցներովը, որոնք շինուած են քաղաքի հիւսիսումը մի չոր հովանաւոր ժայռի տակ, որ պահպանում է նորան ձիւնից և անձրևից և մեծ արձագանք է տալիս, այնպէս որ շների հաչիւնը սաստիկ աղմուկ է պատճառում քաղաքի մէջ: Այդ ժայռի անկայուն գոգաւոր լայնութեան վերայ փորված ճանապարհի հետքեր կան: Տեղ-տեղ էլ քար ու կիր շարուածքներ դեռ մնում են: Ժայռի ձախակողմը մի այր կայ մօտ երկու հարիւր ոտնաչափ բարձր, ուր մեծ բաղնուկեամբ ապրում են գիշակեր թռչուններ: Ականատեսները պատմեցին, որ քանի տարի առաջ, թռչունները իրարու հետ կռուելիս մի գդակ և մի դաշոյն են վեր գցել այնտեղից: Նորա տակին մի երկաթի մեխ է ցցված ժայռի մէջ: Ժայռի աջ կողմը դիտակի օգնութեամբ նշմարեցի երեք խաչեր, որոնց տակին հայերէն տառեր էին երևում: Սա մեր պատմութեան մէջ անուանվում է «Մակ Մագուայ»: Ինչպէս երևում է քարայրի արտաքին մասը 1840 թ. սասնութիւնից քանդուել է:

Ամենաշետաքրքրականը այս քաղաքի սառցաբանն է, ուր սառոյցը ամառն են պատրաստում:

Քաղաքից երկու վերստ հեռու, դէպի արևելք, Մագու դէտի աջ ափին ինձ ցոյց տուին մի սարածայու, որ մանր և մեծ ծակոտկէններով ծածկված էր։ Այդ ծակոտիներից ամենամեծը, որ հորիզոնական ուղղութեամբ ձգուած է ժայռի ծոցումը, ամառուայ ամենատաք եղանակում սառնամանիք է արտաշնչում։ Մագուեցիք նորա բացուածքի դէմ մի փոքրիկ լիճ են շինել, ուր լցնում են ջուրը Մագու գետից բարձրացրած առուակի միջնորդութեամբ և սառչոյց են ստանում։ Այս սառնամանեաց աղբիւրի հակառակը Մագուից դէպի արևմուտ, դարձեալ նոյն գետի աջ ափին, եերեք վերստ հեռաւորութեան վերայ, մի այլ տեղ կայ որ ձմեռուայ սաստիկ ցրտին տաքութիւն է արտաշնչում։ Գորան տեղացիք անուանում են «կրակնկոց»։ Կրակնկոցը ոչ այլ ինչ է, եթէ ոչ մի սարածայու, որ թերևս հրաբուխից, կամ երկրաշարժից պատառվել է ծայրէ 'ի ծայր և որից շոգի է բարձրանում, որը հեռուից շատ նման է վառարանի ծխին։ Մի երրորդը, որին բնակիչները «Խորդուղի ծակ» են անուանում, գտնվում է արևմտեան հիւսիսում, դէպի Մասիսները, մօտ տասն և հինգ վերստ հեռաւորութեան վերայ։ Դա մի բնական հոր է ժայռի մէջ հրաբխական ժայթքումից առաջացած։

«Կարելի է այս հորի մէջ իջնել», հարցրի առաջնորդիս։

— «Անկարելի է» — պատասխանեց նա — «այդտեղ իջնողը խեղճն կ'խեղդվի:—

«Բայց ինչպէս գիտէք, որ այդտեղ իջնողը խեղդվում է»:

Ես դալմացայ, երբ խմացայ, որ ոչ միայն հայերը, այլ և թաթարները և քրդերը այդտեղ բնագիտական փորձեր են արել:— Նրանք կախ են տուել այդ ձորի մէջ, շուն, կատու, ճրագ: Ծրագը հանգել է, շունը կամ կատուն սատկած, կամ ուշագնաց դուրս են հանել:

«Ի՞նչի համար, ինչ պատճառաւ այդպիսի փորձեր եք արել» հարցրի ես:

Ուղղեցոյցս պատմեց իւրեանց մի ընդհանրացած աւանդութիւն, որ այդտեղ գանձերով լի է: «Հնում հայերը առ ու փախսի ժամանակին իւրեանց հարստութիւնը իջեցրել պահել են այստեղ», ասում էր առաջնորդս:

«Ձեր կարծիքով ինչ է պատճառը, որ այստեղ իջնողը խեղդվում է» կրկնեցի ես:

Թիլիսամ են արել», պատասխանեց ուղղեցոյցս: «Ով որ այդ թիլիսամը կարողանայ քակել, գանձերին կ'տիրանայ»:

Այս հրաքիական աշխարհներին պակաս չեն և ջերմուկները: Մագուայ, Աւաջուղի և Գարայ-նիի խանութեանց մէջ չորս ջերմուկներ կան: Առաջինը ընկնում է Մագուայ և Աւաջուղի մէջ Բաշքեանդի մօտ, դա դելտերեան ջրին շատ նման է, բայց

և մի ախորժ թիժուաշ համ ունի. տաքութիւնը սաստիկ չէ, այնպէս որ նոցա մէջ ապրում են ձկներ: Երկուքը գտնվում են Թայլանդարայ հովտումը. մէկը Զէյլայ, իսկ Միւսը Թղնուտ գիւղի մօտ: Սորանք ծծմրաջրեր են, որոնցից երևելի են Թղնուտայ ջրերը: Զորրորդը գտնվում է Մագուայ խանութեան մէջ Շոթ գիւղի մօտ, որ բուրբուլին տարբեր յատկութիւն ունի: Սորա աւազանը նման է մի քարեայ թօնիրի, որից բղխում է ջուրը բիւրեղից յստակ: Բայց այդ թափանցիկ ջուրը բլբլից իջնելով և խառնվելով հողի հետ փրփրում և քարանում է: Այս բնագիտական երևոյթները թողնելով բնագէտների ուշադրութեանը, պէտք է մի թեթև հայեացք ձգել այդ աշխարհի աւերակների վերայ և վերջացնել գործի առաջին մասը:

Իժուար է խօսել մի աշխարհի սլատմական մնացորդների վերայ, երբ նա ամեն կերպով աւերակ է, ճշմարիտ, որ Հայաստան անուն աշխարհը ոչ այլ ինչ է, բայց եթէ աւերակների մի անհեթեթ կոյտ, որ բիւր անգամ շինված և բիւր անգամ աւերված աւերակներ աւերակների վերայ բարձրանալով: Բայց ընդհանրապէս տեսնվում է, որ ամեն մի նշանաւոր փլատակի կողքին, դեռ կենում են նրա յաւիտենական սլահանորդները, որոնց ազգային սեպհականութիւնք են եղել դրանք ժամանակով: Վերին Հայաստանի ամենաշին կեդրոնը, որ իւր աննման գեղեցկութեամբ արժանացել է թագա-

ւորաց հովանոց, ամարանոց և զօրանոց դառնալուր քրիստոնէութեան առաջին տարուց սկսած զևս անմահ մնում են Քաղէի և առաջին հայ քրիստոնեայ նաչատակ կուսի Սանդուխտ արքայադուտեր թափված արեան կաթիլների հետքերը, ուր հինգերորդ տարումը, այսինքն Քրիստոսի 451 թ. 60 հազար քրիստոնեայ հայերը, Վարդան սպարապետի առաջնորդութեամբ, ոգևորված հայոց նոր կրօնքով, պատերազմեցին հայոց հին կրօնքի դէմ: Այդ սրբավայրումը, ինչպէս նաև Ավաջուղումը և Գարայնիումը, այսօր ոչ մի հայ չի ապրում: Յիշեայ խանութեանց մէջ, նոյնպէս Աւարայր դաշտի արևելեան գիւղերում, ինչպէս Գարազխաղղին, Չորս, Բատում և այլն մնացած են միայն ահագին ակերակներ և ընդարձակ դերեզմանատներ:

Այս հայերից թախուր վայրերը պատելիս, ճանապարհորդը հանդիպում է միայն նոցա յիշատակաց ուրվականին: Այստեղ մտաբերվում են Նաչապետի և Գամառ-Քաթիպայի լուսնակի երգերը:

Երբ ևս մտեցել էի Սանդուխտ կուսի մատուռին, որ Քաղէի վանքից երկու վերստ զէպի հարաւ հեռաւորութեան վերայ է գտնվում, յիշեցի նոյնպէս հ. Ալիշանի «Պուտանք հայոց նոր Շուշանը», նոյն ժամուռն մտազիր եզայ յայտնել մեր մեծ բանաստեղծին, որ Շաւարշան նոր շուշաններ որոնողը, նոր փշերի ու տատասկների կը հանդիպի որովհետև այնտեղ այլ ևս չեն ապրում հայոց կու-

ները՝ Սանդուխտ նահատակի շառաւիղները:

Ով որ ծանօթ է Նղիշէին և անցնում է Տղմուտ գետից, շրջում է Աւարայրի բոլորածե դաշտի վերայ, որ իւր գետի պէս տղմուտ է, անկարող է չը յիշել, որ ինքը կանգնած է այն նշանաւոր պատերազմի դաշտի վերայ, ուր իւր նախնիքը մի վճռողական ճակատամարտ են տուել: Այստեղ ճանապարհորդի առաջնորդը Նղիշէն է, նա պատկերացնում է չայկական վաշտերը, դունդերը, նոցա զօրավարները և զօրահանդէսը, ճակատած Տղմուտ գետի ձախ ափին: Բայց ինչպէս քիչ են դրանք, Պարսից բազմաթիւ փաղանքների դէմ:

Մեծ և փոքր Հայաստան տասն և ութ աշխարհներից կամ նահանգներից էր կազմված, բայց Վարդանանց պատերազմին մասնակցել են միայն ութ աշխարհները, այն էլ այդ ութ աշխարհներից չորսը Վասակի առաջնորդութեամբ չայոց ճին կրօնի, այսինքն պարսից կողմն են բռնել: Այդ ութ աշխարհները կարողացել են 120 հազար զինուորներ հանել պատերազմի դաշտի վերայ: Այդ հաշուով տասն և ութ աշխարհները, եթէ միասին գործէին, մօտ երեք հարիւր հազարի մի բանակ կարող էին կանգնեցնել ոտի: Բայց ուր էին մնացել տասն մնացած աշխարհների բնակիչները:

Դա այնպիսի մի պատերազմ էր, որ չէր կարող նրաց չը ճետաբրբրել: Նթէ նորա քրիստոնծեայ եին, պատերազմը քրիստոնէութեան համար էր: Նթէ

արևապաշտ էին, պատերազմը արևապաշտութեան
համար էր, մի խօսքով պատերազմը կրօնական էր,
սուր էր: Եղիշէն այս հարցը բացատրում է նրա-
նով, որ Վասակն էր քանդել այդ միաբանութիւնը*):
Գորանով նաև յայտնվում է, որ հինգերորդ դարու
հոգևորականութիւնը, որի նման մենք չենք ունե-
ցել բոլոր քրիստոնէական դարերումը, խիստ ան-
նշան ազդեցութիւն է ունեցել ազգաբնակչութեան
վերայ: Այդ ասպացուցվում է հետևեալ պատմա-
կան փաստով: Հայոց բոլոր այն ժամանակուայ հո-
գևորականութիւնը, Վաթուղիկոսն, նշանաւոր և-
սպիտակոսները և երեցները, բոլորը Վարդանանց
կողմն լինելով տասնհազանգները չեզոք են մնացել,
չորսը ներգործել են պարսից կողմից և հազիւ 60

*) Մ ա ն օ թ . Եւ իբրև այս ամենայն չարիք յա-
ջողեցան նմա, քակեաց և զմիաբանութիւն աշխար-
հին Վրացի Հայոց, և Աղուանիցն ոչ ետ յառաջ
խաղալ և զաշխարհն Աղձնեաց ըստ նմին իսկ օ-
րինակի յետս կալաւ: Գրեաց հրովարտակ և աշ-
խարհին Յունաց, ցուցանելով նոցա այլ ընդ այլոց
ստութեամբ, առ այր մի, որոյ Վասակ անուն էր.
յայնց Մամիկոնէից որ կան ի ծառայութեան Յու-
նաց: Եւ ՚ի թշուառութեան ժամանակին այրն այն
սպարապետ էր ստորին Հայոց և հաւատարիմ զօ-
րացն Հռուսիաց ի սահմանին Պարսից, և արտաքոյ
էր օրինացն Աստուծոյ զործովք իւրովք: Եզևտ այս
Վասակ զայն Վասակ իւր զործակից ի մեծամեծ
չարիսն յոր միաբանեցին երկզրեանն:

հաղալ հողի, չորս նահանգներ կարողացել են միարանուկ բոլոր պարսկաստանի դէմ:

Ահա ինչ յիշատակութիւններ է արթնացնում Աւարայրի դաշտը:

Նորա վերայ եղած ճակատամարտը հաստատում է, որ հայերը ոչինչ միութեան կապ չեն ունեցել և ոչ կրօնն է կարողացել կապել այդ ընկերավարական սիրուց զրկված ցեղերով բաժանվածներին:

Ես յոյսս կտրել էի ժողովրդական աւանդութիւններից օգուտ քաղել. բայց հակառակ իմ յուսահատութեանը ևս զարմանքով գտայ հայոց պատմական աւանդութիւնները թաթարների մէջ մնացած: Աւաջուղի Քիլիսաքեանդի բնակիչները իւրեանց գիւղի եկեղեցւոյ ճեմութեան թուականը հասուցանում էին 1500 տարուան, որի արևելեան և արևմտեան կամարները դեռ կանգուն մնում են: Ինձ ցոյց տուին Խարարայ խաչի, Սաղէլի, Խաչուի աւերակ եկեղեցիները և ընդարձակ գերեզմանատները:

Պէտք է յիշել որ Մազուայ, Աւաջուղի, Գարայնի բոլոր թաթարարեանակ զիւղերումը եկեղեցիներ կան, բոլորն էլ աւերված: Լեռներում, գետերի ափերին կառուցած են վանքեր մատուռներ: Իսկ խաչարձաններ, խաչեր այնքան բազմաթիւ են, որոնք թէև թաթարները անհետացնելու մտքը խորտակում, փշրում են, բայց մինչև յաւիտեան էլ եթէ շարունակէին, հայոց քրիստոնէական կնիքը

այդ աշխարհի վրայից չէին կարող եղծել:

Թաթարները, քրդերը խաչարձանների պատուանդանը փորում են նաև գանձ գտնելու յուսով: Նոյս այդ սովորութեանն եւ պարտական մի պատմական աւանդութեան զիւտը: Սարաբայ խաչի և Զեյվայ գիւղերի արանքը, Տաճկա-պարսակական տրքանսպորտնի ճանապարհի վէրայ, Աուսանաց գետի աջ ափին մի տեսակ առանձնացած ժայռ է ցցված: Թաթար առաջնորդս ցոյց տուեց ինձ նորա վերայ փորված, երկու իրար հազրած թղաչափ խաչեր, որոնք ճեւթիւնից հազիւ նշմարվում էին. նրա կողքին դռան կամրջակի նման մի նշան էր փորված, որի աջ վերջաւորութիւնը թերված էր հորիզոնաբար: Նորա տակին թաթարները փորել էին ճինգ կանգնաչափ: Փորուածքումը նկատվում էր ամուխ և ամանեղէնների կտորները: «Մնչ կա այստեղ», հարցրի թաթար առաջնորդիս:—«Այս քարի տակին մի մեծ քարայր կայ, որի մէջ պահուած է մի ամբողջ քաղաքի հարստութիւն», պատասխանեց նա:

«Բայց քեզ ինչից է յայտնի», կրկնեցի ես:

—«Աւանդութեամբ պատմում են»—շարունակեց առաջնորդս—«որ ճին ժամանակում հայոց թաղաւորը, այստեղ, նա ցոյց տուեց Աուսանանց գետի ձախ ափը, մի քաղաք է շինել, յատկապէս քաջ տղամարդոց համար, բայց հայոց թողունները (աղնուականները), նախանձելով նորա մեծա-

նալու վերայ, միաբանովել են և յանկարծակի պաշարելով քանդել են քաղաքը և բնակիչներին կոտորել: Պաշարումից քանի օր առաջ քաղաքացիք, խմանալով իրանց զլխի զալիքը, բոլոր խրեանց հարստութիւնը այս քարի տակի արի մէջ պահել են:

Նս ձիու զուխը շուռ տուի, անցայ զետակը, բարձրացայ մի հրարխային տափարակ սալարսի վերայ, որը հրվանդանի սէս ընկել էր Կուսանաց զետի և նրա ձախակողմեան վտակի մէջ. և իմ առաջս բացուեց մի ընդարձակ քաղաքի աւերակներ:

Ահա մի պատմական աւանդութիւն, որ մեզ ծանօթացնում է Արշակ Բ շինած Արշակաւանի հետ: *)

Արշակաւանից մինչև Քաղէի վանքը ուղիղ դժով երկու ժամկայ ճանապարհ է, բայց պտուտ տալով Գարայ-նիի միջով վեց ժամ է տևում: Քաղէի վանքից մինչև Մազու տևում է 7 ժամ:

Քաղէի վանքի հարաւակողմը Շաւարշանի փոք-

*) Մանօթ. Շատերը Արշակաւանի տեղը Մեծ Մասիսի հիւսիսա-արեւմտքում են դնում, Բայազիդի և Իզդիրի մէջ Կոնտրարանդների ճանապարհի վերա, ուր Քարարայ-շահար անունով աւերակներ կան: Խորենացին անորոշ կերպով «Ի թիկանց կ.ու. սէ լերինն Մասեաց շինեաց ձեռակերտ» ասում է, բայց ո՞ր կողմ պէտք է համարել Մասեաց թիկունքը: Աւելի հաւանական է կարծել, որ թաթարների աւանդութիւնը ստոյգ լինի: Խորենացին Արշա-

բիկ արձակալայրի եզերքումը հինգ վերստ հեռա-
ւորութեան վերայ բարձրանում է Սանատրուկ լե-
ռը կամ բերդը: Այս բերդը մի եզական դիրք ու-
նի: արևմուտքից արևելք ձգված մօտ ութ հարիւր
ոտնաչափ երկայնութեամբ և տասն ութ ոտնա-
չափ լայնութեամբ երկու դուռաչեռական ժայռեր
են, որոնք պատում են հիւսիսից և հարաւից: Հա-
րաւի կողմից տեղ-տեղ պակասում է բնական ժայ-
ռապատի շարունակութիւնը, այդ տեղ էլ տխու-
նական մեծութեամբ քարեր իրար վերայ շարած
մինչև այժմ մնում են: Նորան կարելի է մտաչել
միայն արևմուտքից: Սորա հարաւային ստորոտում
ձորամիջին տիւրված են Շաւարշանի աւերակները:

Այս աշխարհում ճանապարհօրդողը, կարծես, մի
հոգևոր տիրապետութեան մնացորդների վերայ է
շրջում: Յարդ մնում են Մազու գետի վերայ, տա-
շած քարերով կամարակապ չորս կամուրջներ, որ-
ոնք հայ եպիսկոպոսներն են շինել: Ճանապարհ-
ները, որոնց մէջ նշանաւոր է Ասպի ճանապարհը,

կաւանի պատմութեան մէջ առաջ գնալով ասում
է: «Այս նոյն ժամայն ծովացեալ լցեալ մարդկու-
թեամբ հովիտն ամենայն, քանդի աւանդաւոր և
պարտականք ծառաք և մշասակարբ և գողք և
սպանողք և կնահանք և այլք պսպիսի փախուցեալք
անդր անկանէին և ոչ կար նոցա այց և խնդիր»:

Շատ հաւանական է Սորենացու յիշած հովիտը
Թայղաբարայ հովիտը համարել, որ բնակութեան
մեծ յարմարութիւն ունի:

ուր Թուանքչի լեռան շխթայածառը պատառելով,
նորա միջով ճանապարհ է բացել Զաքարեայ եղիս-
կապուր: Այս պպացոյցները ևս ընդօրինակել ևս
կամբջների և Ասպի արձանադրութիւններից, որոնք
գրված են հայոց 967—978 թուականներին:

Մինեոյն թուականին այսինքն 967-ին է պատ-
կանում և Թաղէի վանուց հին նորոգութիւնը և
շատ գերեզմանաքարերի թուականը: Ն վերայ այսր
ամենայնի, այս աշխարհքն անուանում են Ջսարդե-
րան, որ նշանակում է չորս եկեղեցեաց կառավա-
րութիւն: Թաթարների պատմածի համեմատ այդ
եկեղեցիքը եղել են Վիադիանայ սուրբ Յովհաննու
վանքը, Քիլիսաքեանդի վանքը, Զանդի-մերայ Աս-
պարազնայ վանքը և Թաղէի վանքը:

Այս բոլոր աւերակների մէջ միայն կանգուն է
մնացել տասն և վեց-տարեայ մի քրիստոնէական
յիշատակարան, Թաղէի վանքը, ուր լինել վարդա-
պետում են Նուսուորիչ Նրիգորի յղութիւնը: Այս
սրբութեան տաճարում այժմ էլ կարողանում է
մի հայ չողերական կանգնել, հազար երեսուն և
վեց նաշատակների չողեհանգստեանը փառաբանե-
լու և դաւաճաններին ողորմեցի ասելու համար:
Հակառակ եկեղեցւոյ ներօգամտութեան, ժողո-
վուրդը ստակալի յիշօղութեան տակ է դրել նոցա
յիշատակը «Աստուածը», ասում է ժողովուրդը, «սե
կարիճ չէ ստեղծել, այդ զգուելի մաշացու միջատնե-
րը դաւաճանների, ազգութանցների գերեզմաններից՝

են գոյացել»։ Ինչարկէ մենք չենք հաւատալ դորա իսկութեանը, բայց հիանում ենք այդ ժողովրդական յիշատակարանի վսեմ բարոյականի վերայ։ «Դաւաճանները մնուան» աւելացնում են նորա, «բայց մեզ ժառանգութիւն թողին իւրեանցից գոյացած կարիճները, որոնք մեզ միշտ խոցոտել, մահացրել են»։ Արդարև այդ միջատները գտնվում են յաճախ աւերակների մէջ, որոնք մատնութեան և դաւաճանութեան արգասիքն են եղել։

Թաղէի վանքը ընկնում է Աւարայրի դաշտի հիւսիսարևմտքումը, նորանից 7 ժամ հեռաւորութեան վերայ, Շաւարշանի փոքրիկ տարածութեան հիւսիսային ծայրի ձորաբերանումն է շինված։ Նորա արևելեան պարսպի տակից հոսում է Մազու գետի մի օժանդակ վտակը։ Վանքի տաճարի շինութիւնը նորոգված է հայոց 1978 թ. Զաքարեայ եպիսկոպոսի առաջնորդութեան օրերովը, որի նախկին թուականը անյայտ է մնում։ Ամենապատվական և մեծածախս կէնքը գաւիթն է, որ հայոց 1267 թ. է կրում։ Շինուածքի պատերի շուրջը երեք կարգ զանազան սրբոց արձաններ են քանդակած. աւելի արհեստական ճաշակով քանդակված են շէնքը շրջապատող վերին և ներքին ծաղկենկար ժապաւէնները։ Այդպիսի հրաշափառ շէնք հազիւ թէ քանի հարիւր հազարներով գլուխ եկած լինէր։ Բայց այն անձինք, որոնք շարժել են ժողովրդի ջերմանդութիւնը, այդպիսի մի ահագին զոհա-

բերութեան համար, միևնոյն անձինք դաւաճանել են ժողովրդի ապագային, խախտել են նրանց հաստատանութիւնը աւետեաց աշխարհի խարուսիկ յոյսերով, աւերել են Պայդ կեդրոնական բնակատեղին և նորա բնակիչներին գլորել են գաղթականութեան կորստաբեր թշուառութիւնների մէջ:

Այդ դժբախտ շարժումը այնքան արագ և ստիպողական է եղել, որ վանքի ծածկի արտաքին մասը և զանգակատունը թերակատար թողնելով, այդ անբախտ տարագիրները հեռացել են իւրեանց հայրական, պապական կրակարաններից:

Երբ կոյրին առաջնորդում է կոյրը, երկուքն էլ խորխորատ կ'ընկնեն: Սա աւետարանական ճշմարտութիւն է:



